



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FE-223, FA-V12	23/215

SØKNAD OM BYGDEUTVIKLINGSMIDLAR TIL ELVEBRUSFESTIVAL FOR UNGDOM 2023

Vedlagte saksdokument:

Budsjett U18 satsing

Elvebrus 2023 budsjett inkludert U18 satsing

Søknad om bygdeutviklingsmidlar - Elvebrusfestilval for ungdom 15-18 år

Kommunedirektøren sitt framlegg til vedtak:

Bygdeutviklingsutvalet løyver kr. 25 000.- i bygdeutviklingsmidlar til å inkludere ungdom under 18 år som målgruppe på Elvebrusfestivalen i 2023.

Tilskotet vert gjeve med utgangspunkt i føremålet med - og retningslinjer til - bygdeutviklingsmidlane.

Tilskotet utgjer 62 % av budsjetterte kostnader på kr. 40 000,-, og skal knytast til faktiske tilretteleggingstiltak med arrangement.

Tilskotet vert betalt ut etter innsending av sluttrapport, med betalingsoppmoding og kostnadsdokumentasjon. Utbetalinga vert knytt til fastsett tilskotsprosent, med kr. 40 000,- som øvre, godkjend kostnad.

Det kan gjennomførast delutbetaling/utbetaling på forskot av inntil 80 % av tilskotet.

Løyvinga gjeld i to år, fram til og med 01.03.2025.

Saksframstilling:

Samandrag/konklusjon (kort om saka)

Bygdeutviklingsutvalet har kr. 500 000.- i tilskotsmidlar til fordeling etter søknad i 2023.

Elvebrusfestivalen søker om kr. 40 000,- i bygdeutviklingsmidlar for å inkludere ungdom under 18 år på arrangementet i 2023. Dette skal gjerast ved å etablere eit eige, avgrensa område med gjerde, egne vakter, eigen servering m.m.

Ekstrakostnadane med ei slik tilrettelegging, er budsjettert til kr. 40 000,-, som utgjer søknads-summen.

Bygdeutviklingsutvalet løyve kr. 75 000,- til Elvebrusfestivalen i 2022, som eit eingongsbeløp i samband med oppstart av festivalen.

Kommunedirektøren vurderer at tiltaket det no vert søkt om tilskot til, er i tråd med bygdeutviklingsmidlane sitt føremål om å leggje til rett for aktivitetar og opplevingar i kommunen. I dette høvet vert involvering av ei ny målgruppe, vurdert som utvikling av festivalen, med grunnlag for å løyve tilskot.

Kommunedirektøren gjer framlegg om å løyve inntil kr. 25 000,- til tiltaket, som utgjer 62 % av budsjetterte ekstrakostnader.

Bakgrunn for saka

Bygdeutviklingsutvalet har kr. 500 000,- i bygdeutviklingsmidlar til fordeling i 2023. Utvalet fordeler midlane på bakgrunn av innkomne søknadar, etter innstilling frå Kommunedirektøren. «Mars-omgangen» er den første av to tildelingsrundar.

I søknad av 10.02.23 søkjer Elvebrusfestivalen, v/ Torje Midtsæter, om kr. 40 000,- i bygdeutviklingsmidlar for å inkludere ungdom under 18 år i tilbodet under Elvebrus 2023. For å få dette til, krevst det investeringar i tilretteleggingstiltak og vakthald, budsjettert til følgjande:

• Sperregjerde	: kr 5 000,-
• Utviding av scene	: kr. 10 000,-
• Ekstra tryggleik	: kr. 5 800,-
• Leige av utstyr (telt, sanitær,....)	: kr. 8 000,-
• Varelager	: kr. 3 000,-
• Frakt	: kr. 3 000,-
• Diverse	: kr. 3 660,-
• SUM	: kr. 40 260,-

Det er budsjettert med billettsal for kr. 7 000,- (avrunda) og sal frå bar med kr. 800,-, total kr 7 800,-. Dette gjev eit budsjettert underskot på kr. 32 460,-, medan tilskot frå bygdeutviklingsmidlane etter søknad, gjev kring kr. 7 800,- i pluss.

I søknaden vert det vist til festivalen Malakoff, som har gjort tilsvarande skilje mellom aldersgrupper, med vellukka resultat. Søkjar nemner vidare at det vart prøvd ut ei verjeordning på Elvebrus 2022, der ungdom kunne delta i følge med vaksne. Det vart seld få billettar, og arrangøren har større tru på planlagt opplegg for 2023. I dette høvet vert det søkt om midlar for å teste ut tilbodet, utan å måtte ta stor, økonomisk risiko.

Det vi vere behov for førehandsbetaling ved leige/innkjøp av utstyr, og det vert bede om delutbetaling ved eit eventuelt tilskot.

Dei totale kostnadane med Elvebrus 2023, er kostnadsrekna til kr. 756 776,-, der kostnadsdekninga er knytt til sponsorinntekter og eigenkapital, i tillegg til billettinntekter, sal frå bar og tilskot frå Bygdeutviklingsutvalet.

Formelt grunnlag/rammer:

- «Retningslinjer for tilskot til bygdeutvikling», vedtekne 26.05.20.

<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden frå Elvebrusfestivalen er tilstrekkeleg opplyst for sakshandsaming etter krava i retningslinene for bygdeutviklingsmidlane.

I følgje retningslinene skal midlane brukast til ålmennyttige føremål, gjennom lokale aktivitetar og opplevingar. Midlane skal kome mange til gode, og medverke til levande bygdeliv.

Føremålet med Elvebrus er i tråd med dei kvalitetane som bygdeutviklingsmidlane skal fremje. I dette høvet vart det gjeve tilskot til å starte opp festivalen i 2022. Løyvinga var eit eingongsbeløp, som hjelp til på kome i gong, med intensjon om at festivalen vert sjølvfinansiert framover. Her vart det lagt vekt på at bygdeutviklingsmidlane ikkje bør nyttast til å finansiere gjennomføring av det same arrangement over fleire år. Dette vil det ikkje vere midlar til, også sett i ljøs av at det er andre festivalar i kommunen. Unnataket kan vere dersom arrangementet inneheld ei nyskaping, med ekstra finansieringsbehov og som vidareutviklar innhaldet/programmet.

Tilrettelegging for deltakarar under 18 år på Elvebrus 2023, vert sett på som ei slik utvikling, med ekstra finansieringsbehov. Kommunedirektøren ser difor argument og grunnlag for å løyve midlar til tiltaket, under føresetnad av gjennomføring.

Kommunedirektøren tek ikkje stilling til spørsmål som knyter seg til planlagt utviding, men føreset at det vert gjort tilstrekkelege tiltak som sikrar trygg gjennomføring og gode opplevingar for deltakarane, uavhengig av alder.

Ei tildeling av tilskot vert ikkje vurdert å gå ut over bygdeutviklingsmidlane sine retningslinjer om geografisk fordeling. Samstundes er framlegget til tildeling sett opp mot tilgjengelege midlar og innkomne søknadar.

Kommunedirektøren gjer framlegg om å løyve kr. 25 000,- i bygdeutviklingsmidlar for å inkludere ungdom under 18 år på Elvebrus 2023. Løyvinga utgjer 62 % av budsjetterte utgifter.